

Joseline Henriquez ta bira e di 5 Mrs. MAS y alaves Señora Carnaval 2007

E eleccion di e prome Mrs. MAS di e Carnaval nr. 35 a tuma lugar diabierna nochi den un Club Caiquetio na unda e publico tabata hopi entusiasma. E ganadora di e titulo di Mrs. MAS den e eleccion di Señora Carnaval 2007 a resulta di ta e representante di e compania Cable Television di Aruba, sra. Joseline Henriquez, kende a hiba e titulo maximo di Señora Carnaval tambe. Cu coronacion di e prome

Reina di MAS pa e carnaval aki ta marca e celebracion di e 5 aniversario di e categoria aki cu SETAR a introduci den Carnaval di Aruba. Sra. Henriquez como Mrs. MAS a ricibi un sjerp, un trofeo special y un celular Samsung X660 como premio for di man di e representantenan di SETAR e anochi aki, sra. Joelly Arends y Sra. Aldemara Koolman cu ta forma parti di e equipo di benta.

